

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-974/22
Sarajevo, 9.6.2022. godine

Z A P I S N I K
18. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 26.5. i 9.6.2022. godine

Sjednica je počela sa radom u 12:17 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate, predstavnike medija, te posebno ministre Vlade Federacije BiH i njihove saradnike.

Izostanak sa sjednice su najavili: Edim Fejzić, Jasminko Kapić, Mirela Trepanić-Grbešić i Ilija Nakić.

Prema evidenciji Stručne službe sjednici prisustvuje 39 delegata što čini većinu pa Dom naroda može raditi i punovažno odlučivati.

Prije prelaska na dnevni red, predsjedavajući je predložio usvajanje Zapisnika sa 17. redovne sjednice i 9.,10.,11. i 12. vanredne sjednice Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, sa 38 glasova za, jednim suzdržanim glasom i bez glasova protiv, usvojio Zapisnik sa 17. sjednice Doma naroda, održane 17.2. i 3.3.2022. godine.

Na osnovu rezultata glasanja, predsjedavajući je konstatovao da je Dom naroda, bez primjedbi usvojio Zapisnik sa 9. vanredne sjednice Doma naroda, održane 25.2.2022. godine.

Na osnovu rezultata glasanja, predsjedavajući je konstatovao da je Dom naroda, sa 40 glasova za i jednim suzdržanim glasom, usvojio Zapisnik sa 10. vanredne sjednice Doma naroda.

Na osnovu rezultata glasanja, predsjedavajući je konstatovao da je Dom naroda, sa 40 glasova za, jednim suzdržanim glasom i bez glasova protiv, usvojio Zapisnik sa 11. vanredne sjednice Doma naroda, održane 31.3.2022. godine.

Na osnovu rezultata glasanja, predsjedavajući je konstatovao da je Dom naroda, bez primjedbi, usvojio Zapisnik sa 12. vanredne sjednice Doma naroda, održane 12.4.2022. godine.

Prije utvrđivanja dnevnog reda, a na osnovu člana 104. Poslovnika o radu Doma naroda, delegati mogu postaviti delegatska pitanja i pokretati inicijative.

Elmedin Konaković je postavio pitanje Vladi Federacije BiH u vezi trošenja budžetskog novca, i zatražio da mu se predoče podaci gdje ta sredstva idu.

Iva Raguž je uputila Inicijativu za izmjenu naredbe o standardima i normativima zdravstvene zaštite iz obaveznog zdravstvenog osiguranja u FBiH Federalnom ministarstvu zdravstva, u vezi broja članova radnog tima centra za rani rast i razvoj.

Prvo pitanje je postavila federalnom ministru rada i socijalne politike u vezi realizacije zaključka kojeg je Dom naroda usvojio 9.9.2021. godine, a koji još nije realizovan.

Drugo pitanje je postavila delegatu Igoru Stojanoviću, u vezi konstatacija o nedolasku na sjednice delegata iz HDZ-a i SDA.

Zvonko Marić je uputio inicijativu i postavio pitanje Autocestama Federacije BiH i Vladi Federacije BiH u vezi putne komunikacije na lokaciji Mostarsko raskršće.

Alisa Hajdarović je uputila prvu Inicijativu Federalnom ministarstvu zdravstva za dopunu liste lijekova obaveznog zdravstvenog osiguranja FBiH sufinansiranjem nabavke inofolik HP osobama oboljelim od inzulinske rezistencije.

Drugu inicijativu je uputila Vladi Federacije BiH i Federalnoj upravi za inspekcijske poslove, da pod hitno izvrše kontrolu ulaznih cijena roba osnovnih životnih namirnica.

Tri pitanja je postavila Federalnom ministarstvu okoliša i turizma.

Prvo pitanje je u vezi prihoda operatora sistema upravljanja otpadom od električnih i elektronskih proizvoda u 2020. i u 2021. godini.

Drugo pitanje je postavila u vezi prihoda operatora sistema upravljanja amabalažom i amabalažnim otpadom.

Treće pitanje je postavila u vezi podnošenja izvještaja pomenutih operatora ministarstvu o namjenskom utrošku sredstava koje su prihodovali po osnovu javnih ovlaštenja.

Sandra Imširović je postavila dva pitanja.

Prvo pitanje je postavila Federalnom ministarstvu rada i socijalne politike u vezi faze izrade izmjena i dopuna Zakona o roditeljima njegovateljima.

Drugo pitanje je postavila Federalnom ministarstvu zdravstva u vezi mandata Upravnog odbora Federalnog zdravstvenog osiguranja i reosiguranja.

Jasmin Duvnjak je postavio pitanje u vezi revizije naftnog terminala NTF Ploče.

Drugo pitanje je postavio Direkciji cesta Federacije BiH u vezi završetka obnove i modernizacije Zeničke petlje u Blatuši.

Aner Žuljević je prvo pitanje uputio Vladi Federacije BiH i Federalnom ministarstvu energije, rudarstva i industrije u vezi operatora za obnovljive izvore energije.

Drugo pitanje je postavio Vladi Federacije BiH u vezi poduzetih intervencija po pitanju plata i penzija građana, intervencija u vezi cijena hrane i PDV.

Sladan Ilić je uputio tri inicijative.

Prvu je uputio Vladi Federacije BiH, Federalnom ministarstvu energije, rudarstva i industrije i EP BiH u vezi kontrole sigurnosti rudničkih jama i površinskih kopova na području BiH.

Drugu inicijativu je uputio Vladi Federacije BiH i Federalnoj direkciji cesta za završetak projekta uređenja dijela magistralnog puta M18.

Treću inicijativu je uputio Vladi Federacije BiH i Federalnoj direkciji cesta za rekonstrukciju magistralnog puta M18 koji prolazi kroz grad Živinice.

Nijaz Musić je ponovio pitanje koje je već ranije postavio Vladi Federacije BiH i federalnom premijeru, ali nije dobio odgovor, u vezi realizacije projekta cestovnog povezivanja Goražda sa Sarajevom, te u vezi raspisivanja tendera u iznosu od 35 miliona KM za pomenuti projekat.

Drugo pitanje je postavio Vladi Federacije BiH i federalnom ministru energije, rudarstva i industrije u vezi stvarne namjere Vlade Federacije BiH prema privrednom društvu UNIS GINEX.

Damir Džeba je podnio Inicijativu i napomenuo da je biti oko 15 potpisnika iste, da se na jednoj od narednih sjednica uvrsti tačka analiza i stanje u RTV FBiH.

Senad Ahmetović je postavio pitanje premijeru Vlade Federacije BiH u vezi oslobođenja od plaćanja TV pretplate za sve penzionere koji imaju penziju nižu od hiljadu KM.

Drugo pitanje je također postavio Vladi Federacije i ministrima u vezi njihovog neprisustva sjednicama Doma naroda.

Treće pitanje je također postavio Vladi Federacije BiH i premijeru u vezi aktivnosti poduzetih za trenutni nagli rast cijena.

Potom se prešlo na utvrđivanje dnevnog reda.

Jasmin Duvnjak je zajedno sa Ramom Isakom predložio da se u dnevni red uvrsti Prijedlog zakona o izmjeni Zakona o cestovnom prijevozu FBiH – hitni postupak (predlagači: Ramo Isak i Jasmin Duvnjak, delegati u Domu naroda).

Također, on je predložio da se u dnevni red uvrsti sljedeći:

ZAKLJUČAK

Dom naroda Parlamenta Federacije BiH poziva sve pružatelje usluga koji vrše distribuciju audio - vizualnih sadržaja, radija i medijskih usluga da programe javnih radio – televizijskih sustava u Bosni i Hercegovini (JP BHRT, JP Radio – televizija Federacija BiH i RTRS) uvrste na prvih devet pozicija kanala u svojim programskim ponudama.

Vlada FBiH dostavila je Prijedlog zakona o izmjenama Zakona o radu sa prijedlogom da se isti razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda većinom glasova sa 36 glasova za, uz jedan suzdržan i bez glasova protiv, prihvatio prijedlog da Prijedlog zakona o izmjenama Zakona o radu razmatra po hitnom postupku.

Delegat u Domu naroda Parlamenta FBiH Ivo Tadić dostavio je Prijedlog zakona o dopuni Zakona o pripadnosti javnih prihoda u FBiH s prijedlogom da se isti razmatra po hitnom postupku.

Na osnovu rezultata glasanja, predsjedavajući je konstatovao da ovaj prijedlog nije dobio potrebnu većinu za, jer je za glasalo 25 delegata uz pet suzdržanih i devet glasova protiv.

Vlada FBiH dostavila je Prijedlog zakona o izmjenama i dopunama Zakona o liječenju neplodnosti biomedicinski potpomognutom oplodnjom s prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu jer je za glasalo 30 delegata, 10 ih je bilo suzdržanih i nije bilo glasova protiv.

Delegati Jasmin Duvnjak i Ramo Isak su dostavili Prijedlog zakona o izmjenama Zakona o cestovnom prijevozu FBiH s prijedlogom da se razmatraju po hitnom postupku.

Predstavnički dom je usvojio istovjetan tekst ovog zakona poslanika Ramiza Karića.

Na osnovu rezultata glasanja, predsjedavajući je konstatovao da ovaj prijedlog nije dobio potrebnu većinu, jer je za glasalo 29 delegata, devet ih je bilo suzdržanih i nije bilo glasova protiv.

Jasmin Duvnjak je zatražio pojedinačno izjašnjanje.

Sekretar Doma naroda je izvršio pojedinačno izjašnjanje u skladu sa odredbom člana 113. Poslovnika o radu Doma naroda.

Nakon pojedinačnog izjašnjavanja delegata, predsjedavajući je konstatovao da je prijedlog da se Prijedlog Zakona o cestovnom prijevozu FBiH razmatra po hitnom postupku dobio potrebnu većinu, jer je za glasalo 36 delegata, jedan je bio protiv i sedam ih je bilo suzdržanih.

Na osnovu rezultata glasanja, predsjedavajući je konstatovao da je Dom naroda, sa 39 glasova za, uz četiri suzdržana i jednim glasom protiv prihvatio sljedeći:

DNEVNI RED

1. Prijedlog zakona o izmjenama Zakona o radu – hitni postupak,
2. Prijedlog zakona o izmjeni Zakona o cestovnom prijevozu Federacije Bosne i Hercegovine – (predlagači: Jasmin Duvnjak i Ramo Isak, delegati u Domu naroda) – hitni postupak,
3. Prijedlog zakona o izmjenama i dopuni Zakona o liječenju neplodnosti biomedicinski potpomognutom oplodnjom – skraćeni postupak,
4. Prijedlog zakona o materijalnoj podršci porodicama s djecom u Federaciji Bosne i Hercegovine.
5. Prijedlog zakona o izmjenama i dopunama Zakona o Poreznoj upravi Federacije Bosne i Hercegovine,
6. Nacrt zakona o izmjenama i dopunama Zakona o zaštiti prirode,
7. Nacrt zakona o dopuni Zakona o pripadnosti javnih prihoda u Federaciji Bosne i Hercegovine (predlagač: Ivo Tadić, delegat u Domu naroda Parlamenta Federacije BiH),
8. Izvještaj o poslovanju JP BH Pošta d.o.o. Sarajevo za 2018. godinu,
9. Izvještaj o poslovanju JP „Hrvatske pošte“, d.o.o. Mostar za 2018.godinu,
10. Izvještaj o poslovanju „BH Telecom“ d.d. Sarajevo za 2018. godinu,
11. Izvještaj o poslovanju JP Hrvatske telekomunikacije d.d. Mostar za 2018. godinu,
12. Dokument okvirnog budžeta Federacije Bosne i Hercegovine za period 2021. – 2023. godina,
13. Dokument okvirnog budžeta Federacije Bosne i Hercegovine za period 2022. – 2024. godina,
14. Izvještaj o zaduženju Federacije Bosne i Hercegovine po osnovu emisije obveznica (Aukcija 27.04.2021. godine – 7Y - 30 mil.),
15. Izvještaj o radu Federalnog zavoda za zapošljavanje za 2019. godinu,
16. Revidirani godišnji plan zaduživanja za 2020. godinu,
17. Godišnji plan zaduživanja Federacije BiH za 2021. godinu,
18. Informacija o Srednjoročnoj strategiji razvoja poljoprivrednog sektora u Federaciji Bosne i Hercegovine (2015. – 2019., produžena do kraja 2021. godine) i njenoj primjeni u 2022. godini,
19. Informacija o vanjskom i unutrašnjem dugu Federacije Bosne i Hercegovine na dan 31.12.2019. godine,
20. Informacija o vanjskom i unutrašnjem dugu Federacije Bosne i Hercegovine na dan 31.12.2020. godine,
21. Informacija o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period januar – juni 2020. godine,

22. Informacija o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period juli - decembar 2020. godine,
23. Prijedlog zaključka delegata Jasmina Duvnjaka.

Predsjedavajući je prije usvajanja dnevnog reda, stavio na glasanje prijedlog da se u dnevni red uvrsti prijedlog Zaključka Jasmina Duvnjaka.

Predsjedavajući je konstatovao da je ovaj zaključak dobio potrebnu većinu, jer je za glasalo 28 delegata, devet ih je bilo suzdržanih i tri su bila protiv.

1. Prijedlog zakona o izmjenama Zakona o radu - hitni postupak

Tekst Prijedloga zakona je utvrdila Vlada FBiH.

Predstavnički dom Parlamenta FBiH obavijestio je Dom naroda da je na 30. sjednici održanoj 9.3.2022. godine usvojio Prijedlog zakona o izmjenama Zakona o radu u tekstu kako ga je predložila Vlada FBiH.

Prijedlog zakona obrazložio je Vesko Drljača, federalni ministar rada i socijalne politike.

U raspravi je učestvovao Aner Žuljević.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH sa 33 glasa za, uz jedan suzdržan i bez glasova protiv, usvojio Prijedlog zakona o izmjenama Zakona o radu.

2. Prijedlog zakona o izmjeni Zakona o cestovnom prijevozu Federacije Bosne i Hercegovine - (predlagači: Jasmin Duvnjak i Ramo Isak, delegati u Domu naroda) – hitni postupak,

Predstavnički dom obavijestio je Dom naroda da je na 32. sjednici održanoj 27.4.2022. godine usvojio Prijedlog zakona o izmjenama Zakona o cestovnom prijevozu Federacije BiH u tekstu predlagača poslanika Ramiza Karića.

Tekst Prijedloga zakona delegata Jasmina Duvnjaka i Rame Isaka istovjetan je Prijedlogu zakona poslanika Ramiza Karića.

Prijedlog zakona obrazložio je Jasmin Duvnjak, jedan od predlagača zakona.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH sa 31 glasom za, tri suzdržana i bez glasova protiv, usvojio Prijedlog zakona o izmjeni Zakona o cestovnom prijevozu Federacije BiH.

3. Prijedlog zakona o izmjenama i dopuni Zakona o liječenju neplodnosti biomedicinski potpomognutom oplodnjom – skraćeni postupak,

Tekst Prijedloga zakona utvrdila je Vlada Federacije.

Predstavnički dom je obavijestio Dom naroda da je na 32. sjednici, održanoj 27.4.2022. godine usvojio Prijedlog zakona o izmjenama i dopuni Zakona o liječenju neplodnosti biomedicinski potpomognutom oplodnjom, u tekstu kako ga je predložila Vlada FBiH. Tom prilikom usvojen je i Zaključak.

Prijedlog zakona obrazložila je Marina Bera, predstavnica Vlade Federacije BiH.

U raspravi su učestvovali Boris Krešić, Zvonko Marić, Aner Žuljević, Ivo Tadić i Marina Bera.

Na osnovu rezultata glasanja predsjedavajući je konstatovao da Dom naroda Parlamenta Federacije BiH nije usvojio Prijedlog zakona o izmjenama i dopuni Zakona o liječenju neplodnosti biomedicinski potpomognutom oplodnjom.

Potpredsjedavajući Doma naroda, Aljoša Čampara je zatražio pojedinačno izjašnjanje.

Sekretar Doma naroda Izmir Hadžićević je izvršio pojedinačno izjašnjanje.

Nakon pojedinačnog izjašnjanja delegata, predsjedavajući je konstatovao da je Prijedlog zakona o izmjenama i dopuni Zakona o liječenju neplodnosti biomedicinski potpomognutom oplodnjom dobio potrebnu većinu, jer je za glasalo 33 delegata, dva su bila suzdržana i nije bilo glasova protiv.

4. Prijedlog zakona o materijalnoj podršci porodicama s djecom u Federaciji Bosne i Hercegovine

Prijedlog zakona utvrdila je Vlada Federacije.

Predstavnički dom Parlamenta Federacije obavijestio je Dom naroda da je u nastavku 31.sjednice, održane 29.3.2022. godine, usvojio Prijedlog zakona o materijalnoj podršci porodicama s djecom u FBiH sa 12 amandmana Vlade FBiH koji su postali sastavni dio Prijedloga zakona.

Na Prijedlog zakona amandmane su podnijeli delegati: Aner Žuljević - 12 amandmana, delegati DF-a u Domu naroda su sa Klubom poslanika DF-a u Predstavničkom domu podnijeli dva amandmana, Rasim Pajić podnio je 10 amandmana, delegati Boris Krešić i Sandra Imširović zajednički su podnijeli jedan amandman.

Amandmani su dostavljeni Vladi Federacije BiH radi izjašnjenja.

Vlada Federacije BiH je dostavila izjašnjenje kojim ne prihvata amandmane Anera Žuljevića, zajedničke amandmane Sandre Imširović i Borisa Krešića, delegata DF-a u Domu naroda i Kluba poslanika DF-a u Predstavničkom domu.

Također Vlada Federacije BiH je dostavila izjašnjenje na amandmane Rasima Pajića te istakla da se o njima ne mož izjasniti jer nisu u skladu sa propisanom poslovničkom procedurom.

Tekst Prijedloga zakona razmatrala su i nadležna radna tijela koja su dostavila svoja izvještaje.

Prijedlog zakona obrazložio je Vesko Drljača, federalni ministar rada i socijalne politike.

U raspravi su učestvovali Senad Čeljo, Boris Krešić, Rasim Pajić, Elmedin Konaković, Aner Žuljević i Zvonko Marić.

Predsjedavajući je, prije izjašnjavanja o ovom zakonu, predložio kratku pauzu u trajanju od 20 minuta.

Nakon pauze, prešlo se na izjašnjavanje o amandmanima na ovaj Prijedlog zakona.

Delegat Aner Žuljević podnio je 12 amandmana na ovaj zakon.

Vlada FBiH je dostavila izjašnjenje kojim ne prihvata ove amandmane.

Aner Žuljević je odustao od traženja izjašnjenja Doma naroda.

Delegati DF-a u Domu naroda su podnijeli dva amandmana koje Vlada FBiH nije prihvatila.

Boris Krešić je istaknuo da u ime DF-a ne traže izjašnjenje Doma naroda za te amandmane.

Rasim Pajić je podnio 10 amandmana, koje Vlada Federacije BiH nije prihvatila.

Rasim Pajić nije tražio izjašnjenje Doma naroda za ove amandmane.

Vlada Federacije BiH nije prihvatila amandmane koje je podnio Boris Krešić zajedno sa Sandrom Imširović.

Boris Krešić je tražio izjašnjenje Doma naroda o ovom amandmanu kojeg su zajednički podnijeli on i Sandra Imširović, a kojeg Vlada Federacije BiH nije prihvatila.

Na osnovu rezultata glasanja, predsjedavajući je konstatovao da amandman Borisa Krešića i Sandre Imširović nije dobio potrebnu većinu, sa 27 glasova za, četiri suzdržana glasa i dva glasa protiv.

Boris Krešić je zatražio pojedinačno izjašnjavanje.

Sekretar Doma naroda Izmir Hadživdić je izvršio pojedinačno izjašnjavanje.

Nakon obavljenog pojedinačnog izjašnjavanja, predsjedavajući je konstatovao da je Dom naroda prihvatio amandman Borisa Krešića i Sandre Imširović, sa 37 glasova za, dva suzdržana i bez glasova protiv.

Nakon toga, predsjedavajući je stavio na glasanje Prijedlog zakona o materijalnoj podršci porodicama s djecom u Federaciji Bosne i Hercegovine.

Na osnovu rezultata glasanja, predsjedavajući je konstatovao da je Dom naroda sa 35 glasova za, uz jedan suzdržan glas i bez glasova protiv, usvojio Prijedlog zakona o materijalnoj podršci porodicama sa djecom u Federaciji BiH.

5. Prijedlog zakona o izmjenama i dopunama Zakona o Poreznoj upravi Federacije Bosne i Hercegovine,

Tekst Prijedloga zakona utvrdila je Vlada Federacije.

Predstavnički dom je obavijestio Dom naroda da je na 32. sjednici, održanoj 27.4.2022. godine, usvojio Prijedlog zakona o izmjenama i dopunama Zakona o Poreznoj upravi Federacije BiH u tekstu kako ga je predložila Vlada Federacije. Tom prilikom usvojen je i Zaključak.

Prijedlog zakona razmatrala su nadležna radna tijela.

Prijedlog zakona obrazložila je Medina Dudo, pomoćnica federalnog ministra finansija.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 33 glasa za, uz jedan suzdržan glas i bez glasova protiv, usvojio Prijedlog zakona o izmjenama i dopunama Zakona o Poreznoj upravi Federacije BiH.

6. Nacrt zakona o izmjenama i dopunama Zakona o zaštiti prirode,

Tekst Nacrta zakona utvrdila je Vlada Federacije BiH.

Predstavnički dom je obavijestio Dom naroda da je na svojoj 25. sjednici održanoj 27.9.2021. godine, razmatrao Nacrt zakona o izmjenama i dopunama Zakona o zaštiti prirode i Zaključkom ga prihvatio.

Nacrt zakona su takođe razmatrala i nadležna radna tijela.

Nacrt zakona obrazložila je Edita Đapo, predstavnica Vlade Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 34 glasa za, bez suzdržanih glasova i bez glasova protiv usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopunama Zakona o zaštiti prirode i smatra da može poslužiti kao osnov za izradu Prijedloga zakona.
2. Zadužuje se predlagač da organizira i provede javnu raspravu u trajanju od 60 dana u skladu sa procedurama predviđenim u Ustavu Federacije za donošenje zakona iz zajedničke nadležnosti federalne vlasti i kantona.

3. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt zakona o izmjenama i dopunama Zakona o zaštiti prirode dostavi kantonalnim skupštinama radi davanja mišljenja u roku od 60 dana od dana dostave ovog zaključka.
4. Zadužuje se predlagač da, prilikom izrade Prijedloga zakona, ima u vidu primjedbe, prijedloge i sugestije iznesene u javnoj raspravi i mišljenja kantonalnih skupština.

7. Nacrt zakona o dopuni Zakona o pripadnosti javnih prihoda u Federaciji Bosne i Hercegovine (predlagač: Ivo Tadić, delegat u Domu naroda Parlamenta Federacije BiH),

Predlagač ovog zakona je Ivo Tadić, delegat u Domu naroda.

Predstavnički dom Parlamenta Federacije BiH obavijestio je Dom naroda da je na 32. sjednici, održanoj 27.4.2022. godine usvojio Prijedlog zakona o dopuni Zakona o pripadnosti javnih prihoda u Federaciji BiH u tekstu predlagača Salke Zildžića i Marijana Klaića, poslanika u Predstavničkom domu.

Tekst zakona delegata Ive Tadića je istovjetan tekstu Prijedloga zakona kojeg su podnijeli Salko Zildžić i Marijan Klaić, poslanici u Predstavničkom domu.

Nacrt zakona obrazložio je Ivo Tadić, predlagač ovog zakona.

U raspravi su učestvovali Aljoša Čampara, Ivo Tadić, Elmedin Konaković, Tomislav Martinović, Fahrudin Skopljak, Aner Žuljević, Damir Džeba, Žarko Vujović, Damir Marjanović, Zvonko Marić, Jasmin Duvnjak, Vitor Handžić i Senad Čeljo.

Predsjedavajući je, nakon toga, obavijestio delegate da se zbog nedostatka kvoruma u sali i prisustva samo 25 delegata u sali, sjednica prekida.

Sjednica je prekinula sa radom u 17 sati i 23 minuta.

Nastavak sjednice od 9.6.2022. godine

Sjednica je počela sa radom u 12 sati i 37 minuta.

Sjednicom je predsjedavao Tomislav Martinović, predsjedavajući Doma naroda.

Predsjedavajući je pozdravio prisutne delegate i sve koji prisustvuju sjednici.

Izostanak sa sjednice su najavili sljedeći delegati: Vesna Saradžić, Nikica Bosnić, Dragana Damjanović, Drago Puzigaća, Hadis Jusić, Rasim Kantarević, Senad Alić, Goran Broćeta, Senad Ahmetović i Slađan Ilić.

Prema evidenciji Stručne službe sjednici prisustvuje 35 delegata, što čini većinu, pa Dom naroda može raditi i punovažno odlučivati.

Predsjedavajući je obavijestio prisutne da su preminuli delegati Anel Šahinović i Segmedina-Srna-Bajramović, te ih pozvao da minutom šutnje odaju počast preminulim kolegama.

Predsjedavajući je obavijestio delegate da je zbog smrti dvoje delegata, na osnovu člana 110. Poslovnika o radu Doma naroda za rad Doma naroda, odnosno za donošenje odluka, potrebna većina od 29 delegata.

Za nastavak sjednice preostale su sljedeće tačke dnevnog reda:

- **Izjašnjenje o tački 7. Nacrt zakona o dopuni Zakona o pripadnosti javnih prihoda u F BiH, (predlagač Ivo Tadić, delegat u Domu naroda Parlamenta Federacije BiH)**

8. Izvještaj o poslovanju JP BH Pošta d.o.o. Sarajevo za 2018. godinu,
9. Izvještaj o poslovanju JP „Hrvatske pošte“, d.o.o. Mostar za 2018.godinu,
10. Izvještaj o poslovanju „BH Telecom“ d.d. Sarajevo za 2018. godinu,
11. Izvještaj o poslovanju JP Hrvatske telekomunikacije d.d. Mostar za 2018. godinu,
12. Dokument okvirnog budžeta Federacije Bosne i Hercegovine za period 2021. – 2023. godina,
13. Dokument okvirnog budžeta Federacije Bosne i Hercegovine za period 2022. – 2024. godina,
14. Izvještaj o zaduženju Federacije Bosne i Hercegovine po osnovu emisije obveznica (Aukcija 27.04.2021. godine – 7Y - 30 mil.),
15. Izvještaj o radu Federalnog zavoda za zapošljavanje za 2019. godinu,
16. Revidirani godišnji plan zaduživanja za 2020. godinu,
17. Godišnji plan zaduživanja Federacije BiH za 2021. godinu,
18. Informacija o Srednjoročnoj strategiji razvoja poljoprivrednog sektora u Federaciji Bosne i Hercegovine (2015. – 2019., produžena do kraja 2021. godine) i njenoj primjeni u 2022. godini,
19. Informacija o vanjskom i unutrašnjem dugu Federacije Bosne i Hercegovine na dan 31.12.2019. godine,
20. Informacija o vanjskom i unutrašnjem dugu Federacije Bosne i Hercegovine na dan 31.12.2020. godine,
21. Informacija o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period januar – juni 2020. godine,
22. Informacija o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period juli - decembar 2020. godine,
23. Prijedlog zaključka delegata Jasmina Duvnjaka.

Potom se prešlo na izjašnjenje o tački 7. Dnevnog reda.

7. Nacrt zakona o dopuni Zakona o pripadnosti javnih prihoda u Federaciji Bosne i Hercegovine (predlagač: Ivo Tadić, delegat u Domu naroda Parlamenta Federacije BiH),

Predsjedavajući je saopštio delegatima, da je rasprava po tački 7. okončana, i da je preostalo samo izjašnjenje Doma naroda o prijedlogu Zaključka.

Na osnovu rezultata glasanja, predsjedavajući je konstatovao da sa 23 glasa za, šest suzdržanih i osam glasova protiv, Dom naroda nije prihvatio sljedeći:

Z A K L J U Č A K

1. Dom naroda Parlamenta FBiH prihvata Nacrt Zakona o dopuni Zakona o pripadnosti javnih prihoda u FBiH, i smatra da može poslužiti kao osnov za izradu Prijedloga Zakona.
2. Zadužuje se predlagač da prilikom izrade Prijedloga Zakona ima u vidu primjedbe, prijedloge i sugestije iznesene na sjednici Doma naroda koje su dostavljene ili će biti dostavljene u pismenoj formi.

Ivo Tadić je zatražio pojedinačno izjašnjavanje po ovoj tački Dnevnog reda.

Sekretar Doma naroda Izmir Hadžiavdzić je izvršio pojedinačno izjašnjavanje.

Na osnovu rezultata pojedinačnog izjašnjavanja delegata, predsjedavajući je konstatovao da ovaj Prijedlog Zaključka nije dobio potrebnu većinu, sa 21 glasom za, sedam suzdržanih i 11 glasova protiv.

8. Izvještaj o poslovanju JP BH Pošta d.o.o. Sarajevo za 2018. godinu,

Predstavnički dom Parlamenta Federacije BiH obavijestio je Dom naroda da je na 13. sjednici, održanoj 28.07.2020. godine, usvojio Izvještaj o poslovanju JP BH pošta d.o.o Sarajevo za 2018. godinu.

Izvještaj su razmatrala nadležna radna tijela.

U raspravi niko nije učestvovao.

Na osnovu rezultata glasovanja predsjedavajući je konstatovao da Dom naroda sa 22 glasa za, 10 suzdržanih glasova i tri glasa protiv, nije prihvatio Izvještaj o poslovanju JP BH pošta d.o.o Sarajevo za 2018. godinu.

9. Izvještaj o poslovanju JP „Hrvatske pošte“, d.o.o. Mostar za 2018.godinu,

Vlada Federacije BiH dostavila je Izvještaj o poslovanju JP „Hrvatske pošte“, d.o.o. Mostar za 2018., godinu radi razmatranja i usvajanja.

Predstavnički dom Parlamenta Federacije BiH je obavijestio Dom naroda da je na 13. sjednici, usvojio Izvještaj o poslovanju Javnog preduzeća „Hrvatske pošte“ d.o.o. Mostar za 2018. godinu.

Izvještaj su razmatrala nadležna radna tijela.

U raspravi su učestvovali Damir Marjanović i Ljubinka Atanasijević.

Na osnovu rezultata glasanja, predsjedavajući je konstatovao da Izvještaj o poslovanju JP „Hrvatske pošte“, d.o.o. Mostar za 2018.godinu, nije dobio potrebnu većinu, sa 22 glasa za, šest suzdržanih glasova i šest glasova protiv.

10. Izvještaj o poslovanju „BH Telecom“ d.d. Sarajevo za 2018. godinu,

Vlada Federacije BiH je dostavila Izvještaj o poslovanju BH Telecoma za 2018. godinu.

Predstavnički dom obavijestio je Dom naroda da je na 11. sjednici usvojio Izvještaj o poslovanju BH Telecoma d.d. Sarajevo za 2018. godinu.

Izvještaj su također razmatrala nadležna radna tijela i dostavila svoje izvještaje.

Izvještaj je obrazložila Elma Dvizac, predstavnica BH Telecoma.

U raspravi niko nije učestvovao.

Na osnovu rezultata glasanja, predsjedavajući je konstatovao da Dom naroda, sa 12 glasova za, 14 suzdržanih i sedam glasova protiv, nije prihvatio Izvještaj o poslovanju BH Telecoma d.d. Sarajevo za 2018. godinu.

11. Izvještaj o poslovanju JP Hrvatske telekomunikacije d.d. Mostar za 2018. godinu,

Izvještaj o poslovanju Javnog preduzeća Hrvatske telekomunikacije d.d. Mostar dostavila je Vlada Federacije BiH radi razmatranja i usvajanja.

Predstavnički dom je obavijestio Dom naroda da je na 11. sjednici usvojio Izvještaj o poslovanju Javnog preduzeća „Hrvatske telekomunikacije“ za 2018. godinu.

Izvještaj su također razmatrala nadležna radna tijela i dostavila svoje izvještaje.

U raspravi niko nije učestvovao.

Na osnovu rezultata glasanja, predsjedavajući je konstatovao da Dom naroda sa 22 glasa za, pet suzdržanih glasova i četiri glasa protiv, nije prihvatio Izvještaj o poslovanju Javnog preduzeća „Hrvatske telekomunikacije“ za 2018. godinu.

12. Dokument okvirnog budžeta Federacije Bosne i Hercegovine za period 2021. - 2023. godina,

Vlada Federacije BiH dostavila je Parlamentu Federacije BiH radi informisanja Dokument okvirnog budžeta FBiH za period 2021.- 2023. godina.

Predstavnički dom obavijestio je Dom naroda da je u nastavku 18. sjednice razmatrao i primio k znanju Dokument okvirnog budžeta FBiH za period 2021.- 2023. godina.

Dokument okvirnog budžeta su razmatrala i nadležna radna tijela.

U raspravi niko nije učestvovao.

S obzirom da se radi o materijalu koji je dostavljen Parlamentu Federacije BiH radi informisanja, predsjedavajući je konstatovao da je Dom naroda primio k znanju Dokument okvirnog budžeta FBiH za period 2021.- 2023. godina.

13. Dokument okvirnog budžeta Federacije Bosne i Hercegovine za period 2022. - 2024. godina,

Vlada Federacije BiH dostavila je radi informisanja Parlamentu Federacije BiH Dokument okvirnog budžeta za period 2022.-2024. godina.

Predstavnički dom obavijestio je Dom naroda da je na 26. sjednici razmatrao i primio k znanju Dokument okvirnog budžeta FBiH za period 2022.-2024. godina.

U raspravi niko nije učestvovao.

S obzirom da se radi o materijalu koji je dostavljen Parlamentu Federacije BiH radi informisanja, predsjedavajući je konstatovao da je Dom naroda primio k znanju Dokument okvirnog budžeta FBiH za period 2022.- 2024. godina.

14. Izvještaj o zaduženju Federacije Bosne i Hercegovine po osnovu emisije obveznica (Aukcija 27.04.2021. godine – 7Y - 30 mil.),

Vlada Federacije BiH dostavila je radi informisanja Parlamentu Federacije BiH Izvještaj o zaduženju Federacije po osnovu emisije obveznica (Aukcija 27.04.2021. godine – 7Y - 30 mil.).

Predstavnički dom obavijestio je Dom naroda da je na 25. sjednici primio k znanju Izvještaj o zaduženju Federacije BiH po osnovu emisije obveznica (Aukcija 27.04.2021. godine – 7Y - 30 mil.).

U raspravi niko nije učestvovao.

S obzirom da se radi o materijalu koji je dostavljen Parlamentu Federacije BiH radi informisanja, predsjedavajući je konstatovao da je Dom naroda primio k znanju Izvještaj o zaduženju Federacije Bosne i Hercegovine po osnovu emisije obveznica (Aukcija 27.04.2021. godine – 7Y - 30 mil.).

15. Izvještaj o radu Federalnog zavoda za zapošljavanje za 2019. godinu,

Izvještaj o radu Federalnog zavoda za zapošljavanje za 2019. godinu prihvatila je Vlada Federacije BiH i dostavila Parlamentu Federacije BiH radi razmatranja.

Predstavnički dom obavijestio je Dom naroda da je na 15. sjednici usvojio Izvještaj o radu Federalnog zavoda za zapošljavanje za 2019. godinu.

Izvještaj su razmatrala nadležna radna tijela.

U raspravi niko nije učestvovao.

Na osnovu rezultata glasanja, predsjedavajući je konstatovao da, sa 22 glasa za, pet suzdržanih glasova i osam glasova protiv, Dom naroda nije prihvatio sljedeći:

Z A K L J U Č A K

Dom naroda Parlamenta Federacije BiH usvojio je Izvještaj o radu Federalnog zavoda za zapošljavanje za 2019. godinu.

16. Revidirani godišnji plan zaduživanja za 2020. godinu,

Vlada Federacije BiH dostavila je radi informisanja Parlamentu Federacije BiH Revidirani godišnji plan zaduživanja za 2020. godinu, koji je Vlada Federacije BiH usvojila.

Predstavnički dom obavijestio je Dom naroda da je na 25. sjednici razmatrao i primio k znanju Revidirani godišnji plan zaduživanja za 2020. godinu.

Revidirani godišnji plan su razmatrala i nadležna radna tijela i dostavila svoje izvještaje.

U raspravi niko nije učestvovao.

S obzirom da se radi o materijalu koji je dostavljen Parlamentu Federacije BiH radi informisanja, predsjedavajući je konstatovao da je Dom naroda primio k znanju Revidirani godišnji plan zaduživanja za 2020. godinu.

17. Godišnji plan zaduživanja Federacije BiH za 2021. godinu,

Vlada Federacije BiH dostavila je radi informisanja Parlamentu Federacije BiH Godišnji plan zaduživanja Federacije BiH za 2021. godinu.

Predstavnički dom obavijestio je Dom naroda da je na 20. sjednici razmatrao i primio k znanju Godišnji plan zaduživanja Federacije BiH za 2021. godinu.

Godišnji plan su razmatrala nadležna radna tijela i dostavila svoje izvještaje.

U raspravi niko nije učestvovao.

S obzirom da se radi o materijalu koji je dostavljen Parlamentu Federacije BiH radi informisanja, predsjedavajući je konstatovao da je Dom naroda primio k znanju Godišnji plan zaduživanja Federacije BiH za 2021. godinu.

18. Informacija o Srednjoročnoj strategiji razvoja poljoprivrednog sektora u Federaciji Bosne i Hercegovine (2015. – 2019., produžena do kraja 2021. godine) i njenoj primjeni u 2022. godini,

Vlada Federacije BiH dostavila je radi informisanja Parlamentu Federacije BiH Informaciju o Srednjoročnoj strategiji razvoja poljoprivrednog sektora.

Predstavnički dom Parlamenta Federacije BiH obavijestio je Dom naroda da je na sjednici održanoj 27.4.2022. godine, razmatrao i primio k znanju Informaciju o Srednjoročnoj strategiji razvoja poljoprivrednog sektora u Federaciji Bosne i Hercegovine (2015. – 2019., produžena do kraja 2021. godine) i njenoj primjeni u 2022. godini.

U raspravi niko nije učestvovao.

S obzirom da se radi o materijalu koji je dostavljen Parlamentu Federacije BiH radi informisanja, predsjedavajući je konstatovao da je Dom naroda primio k znanju Informaciju o Srednjoročnoj strategiji razvoja poljoprivrednog sektora u Federaciji Bosne i Hercegovine (2015. – 2019., produžena do kraja 2021. godine) i njenoj primjeni u 2022. godini.

19. Informacija o vanjskom i unutrašnjem dugu Federacije Bosne i Hercegovine na dan 31.12.2019. godine,

Informaciju je dostavila Vlada Federacije BiH radi informisanja.

Predstavnički dom obavijestio je Dom naroda da je na 14. sjednici razmatrao i primio k znanju Informaciju o vanjskom i unutrašnjem dugu FBiH na dan 31.12.2019. godine.

Informaciju su razmatrala nadležna radna tijela i dostavila svoje izvještaje.

U raspravi niko nije učestvovao.

Predsjedavajući je konstatovao da je Dom naroda Parlamenta Federacije BiH primio k znanju Informaciju o vanjskom i unutrašnjem dugu FBiH na dan 31.12.2019. godine.

20. Informacija o vanjskom i unutrašnjem dugu Federacije Bosne i Hercegovine na dan 31.12.2020. godine,

Vlada Federacije BiH dostavila je radi informisanja Parlamentu Federacije BiH Informaciju o vanjskom i unutrašnjem dugu Federacije BiH na dan 31.12.2020. godine.

Predstavnički dom obavijestio je Dom naroda da je na 22. sjednici razmatrao i primio k znanju Informaciju o vanjskom i unutrašnjem dugu Federacije BiH na dan 31.12.2020. godine.

Informaciju su razmatrala i nadležna radna tijela.

U raspravi niko nije učestvovao.

Predsjedavajući je konstatovao da je Dom naroda Parlamenta Federacije BiH primio k znanju Informaciju o vanjskom i unutrašnjem dugu Federacije BiH na dan 31.12.2020. godine.

21. Informacija o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period januar – juni 2020. godine,

Vlada Federacije BiH dostavila je radi informisanja Parlamentu Federacije BiH Informaciju o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period januar – juni 2020. godine.

Predstavnički dom obavijestio je Dom naroda da je na 16. sjednici razmatrao i primio k znanju Informaciju o izvršenim revizijama privatizacije državnog kapitala privrednih društava i banaka u Federaciji BiH za period januar – juni 2020. godine.

Informaciju su također razmatrala i nadležna radna tijela.

U raspravi je učestvovala Zdenka Džambas.

Predsjedavajući je konstatovao da je Dom naroda Parlamenta Federacije BiH primio k znanju Informaciju o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period januar – juni 2020. godine.

22. Informacija o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period juli - decembar 2020. godine,

Vlada Federacije BiH dostavila je radi informisanja Parlamentu Federacije BiH Informaciju o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period juli - decembar 2020. godine.

Predstavnički dom obavijestio je Dom naroda da je na 23. sjednici, razmotrio i primio k znanju Informaciju o izvršenim revizijama privatizacije državnog kapitala.

Informaciju je obrazložio Vedad Duraković, direktor Agencije za reviziju privatizacije državnog kapitala.

U raspravi su učestvovali Zdenka Džambas i Zvonko Marić.

Predsjedavajući je konstatovao da je Dom naroda Parlamenta Federacije BiH primio k znanju Informaciju o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period juli – decembar 2020. godine.

23. Prijedlog zaključka delegata Jasmina Duvnjaka

Predsjedavajući je saopštio da je prilikom utvrđivanja dnevnog reda sjednice, Jasmin Duvnjak predložio Zaključak, te ga pozvao da isti pročita.

Jasmin Duvnjak je saopštio da prijedlog zaključka povlači iz procedure.

Sjednica je završila s radom u 13 sati i 26 minuta.

* * *

Transkript sjednice čini sastavni dio Zapisnika.

SEKRETAR
Izmir Hadžić

PREDSJEDAVAJUĆI
Tomislav Martinović